



**გლობალიზაციის გავლენა
ეკონომიკურ ზრდაზე**

DOI - 10.36962/ecs104/10-12/2021-99

მარიამ ძევისაშვილი

სტუდენტორი

mariamdzebisashvili@yahoo.com

რეზიუმე

მსოფლიო ეკონომიკისთვის მეოცე საუკუნე ასოცირებულია პროცესების მთელ რიგთან, რომელიც ფართო მასშტაბებს მოიცავს. დღის წესრიგში დგას მნიშვნელოვანი საკითხი და იმავდროულად ინტერნაციონალიზაციის ეტაპი - ანუ გლობალიზაცია. ის განიხილავს მსოფლიოს განვითარების აუცილებელ პროცესებს სოციალურ-ეკონომიკურ ქრილში. ზუსტად გლობალიზაცია გვევლინება ეკონომიკური ზრდის დამაჩქარებელ ფაქტორად და ამას გარდა ხელს უწყობს მოდერნიზაციასაც. და მაინც რა არის გლობალიზაცია?! ინგლისური სიტყვა „Globe” - გლობუსს ნიშნავს, ხოლო „global” - მსოფლიოს. გლობალიზაცია თანამედროვე ინგლისური სიტყვაა და ასახავს ცვლილებებს მსოფლიო ეკონომიკასა და საზოგადოებაში.

უფრო კერძოდ, ეკონომიკის გლობალიზაცია არის გლობალიზაციის ერთერთი შემადგენელი ნაწილი, რომელიც მოიცავს რამდენიმე ასპექტს: ● ეკონომიკის ლიბერალიზაცია; ● ვაჭრობის განვითარება; ● მსოფლიო თანამედროვე თანამეგობრობაში ქვეყნების ინტეგრაცია; ● მომსახურების ბაზრის გაზრდა; ● ინვესტიციების ჩადება;

გლობალიზაცია ყველა ქვეყნის ეკონომიკაზე ახდენს დიდ გავლენას. ის ეხება საქონლისა და მომსახურების შექმნის პროცესს, სამუშაო ძალის გამოყენებას, ინვესტირებას „ფიზიკურ“

და ადამიანურ კაპიტალში, ტექნოლოგიებს და მათ გავრცელებას სხვა ქვეყნებზეც. საბოლოო ჯამში, ეს ყველაფერი, გამოიხატება წარმოების და შრომის ეფექტურობაში.

სტატიაში განხილულია გლობალიზაციის თანამედროვე აქტუალური საკითხები და მის გავლენა ეროვნულ ეკონომიკაზე. ავტორის განმარტებით, გლობალიზაცია არის სამყაროს, როგორც ეკონომიკური, ტექნოლოგიური, პოლიტიკური და კულტურული ერთეულის ჩამოყალიბების პროცესი კონკრეტული ქვეყნების სახელმწიფოებრიობისა და ეროვნული თვითმყოფადობის შენარჩუნების პირობებით

გლობალიზაციას აქვს როგორც ობიექტური, ისე სუბიექტური ხასიათი ამიტომაც ის მოიცავს ადამიანთა საზოგადოების როგორც განვითარების, ასევე მისი არსებობის საფრთხის არნახულ შესაძლებლობებს. ამდენად, აუცილებელი ხდება გლობალიზაციის პროცესის სწორად წარმართვა, ანუ სამართლიანი გლობალიზაციის განხორციელება.

გლობალიზაცია გავლენას ახდენს ეროვნული ეკონომიკის ყველა სექტორზე, მათ შორის უმუშევრობაზე. სტატიაში დეტალურად განხილულია გლობალიზაციის გავლენის დადებითი და უარყოფითი მხარეები ეროვნულ სახელმწიფოსა და ეკონომიკაზე.

საკვანძო სიტყვები: გლობალიზაცია; ეროვნული ეკონომიკა; უმუშევრობა; შრომის საერთაშორისო ბაზარი.

* * *

ეკონომიკური ზრდა წარმოადგენს ერთ-ერთ უმთავრეს პრობლემას, რომელიც მეტ-ნაკლებად ყოველი ქვეყნის წინაშე დგას. გამოსავალი კი სწრაფი და სწორი ვექტორით განვითარებაშია. გლობალიზაციის მომხრეები, ძირითადად, ყურადღებას ამახვილებენ გლობალიზაციის დადებით მხარეებზე. ისინი დარწმუნებული არიან, რომ მას მთელი მსოფლიოსთვის შეუძლია უზარმაზარი სარგებლის მიცემა. ვაჭრობაზე საზღვრების მოხსნამ და კონკურენციის გამძაფრებამ უზიძგა მენარმეებს ღირებული პროდუქციის შექმნისაკენ, რათა არ დამარცხდნენ კონკურენტულ ბრძოლაში, შესაბამისად, გლობალურად მოქმედება და-

ინყეს. გლობალიზაციაში უზარმაზარი წვლილი მიუძღვის ახალი ტექნოლოგიების განვითარებას. ტექნოლოგიური პროგრესი ყოველთვის ეკონომიკური ზრდის გარანტიაა. ახალი ტექნოლოგიები ძალიან სწრაფად ვრცელდება და ქვეყნები, რომლებიც ამ ტექნოლოგიების დახმარებით აწარმოებენ საქონელს, იმარჯვებენ კონკურენტულ ბრძოლაში და ბაზარზე ლიდერულ პოზიციებს იკავებენ. უამრავი პოზიტიური მხარე აქვს გლობალიზაციას. მათ შორის შრომის საერთაშორისო დანაწილება, მასშტაბის ეკონომია, თავისუფალი ვაჭრობის ურთიერთსარგებელი, შრომის მწარმოებულობის ამალღება, ტექნოლოგიური პროგრესის წახალისება, ფინანსური რესურების მობილიზება, საერთო საკაცობრიო პრობლემების კოორდინირებულად გადანყვეტა.

გლობალიზაცია არაერთგვაროვან გავლენას ახდენს ეროვნულ სახელმწიფოებზე. გლობალიზაციის პროცესში მთავარ როლს განვითარებული ქვეყნები თამაშობენ, ვინაიდან სწორედ ისინი ფლობენ ჭარბი რაოდენობისა და შესაბამისი ხარისხის წარმოების ფაქტორებს. ისინი აწარმოებენ მეტი რაოდენობისა და მაღალი ხარისხის პროდუქციას. ასეთი მდგომარეობა განაპირობებს იმას, რომ განვითარებული ქვეყნები მსოფლიო მასშტაბით:

- იყენებენ გაცილებით იაფ სამუშაო ძალასა და რესურსებს;
- იზიდავენ მაღალი კვალიფიკაციის სამუშაო ძალას;
- ხშირ შემთხვევაში სხვა ქვეყნებში გააქვთ დაბალი ხარისხის პროდუქცია;

• ექმნებათ ხელსაყრელი პირობები მეცნიერულ-ტექნიკური პროგრესის დასაჩქარებლად, ამისათვის საჭირო უზარმაზარი რესურსების მობიღვის საფუძველზე მსოფლიო მასშტაბით.

სხვა ქვეყნები გლობალიზაციის პროცესში:

- იყენებენ მსოფლიოში დაგროვებულ დიდ გამოცდიღებასა და მეცნიერულ-ტექნიკური პროგრესის უახლეს მიღწევებს;
- იღებენ დიდ ფინანსურ დახმარებას;
- წყვეტენ მრავალ (სიღარიბის, ეკოლოგიურ, სამედიცინო და სხვ.) პრობლემას.

აღსანიშნავია ისიც, რომ გლობალიზაციას უარყოფითი შედეგების მოტანაც შეუძლია. ეკონომისტები საუბრობენ რამდენიმე ნეგატიურ შედეგზე, რომელიც შეიძლება მოიტანოს გლობალიზაციამ. ესენია:

- ქვეყნებს შორის არათანაბარი განაწილება;
- სახელმწიფო როლის შემცირება სოციალურ სფეროში;
- სოციალური დაძაბულობის ზრდა;
- ეროვნული ტრადიციების უგულებელყოფა;

მის ყველაზე მტკივნეულ და ნეგატიურ შედეგად შეიძლება ჩაითვალოს რომელიმე ერთი მსხვილი განვითარებული ქვეყნის ეკონომიკური და ფინანსური კრიზისის სწრაფად გავრცელება მსოფლიოს სხვა ქვეყნებზე. ამის ძალიან ბევრი მაგალითი არსებობს მსოფლიო ეკონომიკაში. თუნდაც, ჯერ კიდევ ბოლომდე დაუძლეველი გლობალური ეკონომიკური და ფინანსური კრიზისი, რომელსაც საფუძველი ამერიკის შეერთებულ შტატებში ჩაეყარა, სწრაფად გავრცელდა და მოედო მთელს მსოფლიოს.

ასევე გლობალიზაციის ყველაზე მწვავე პრობლემად საქართველოსთვის და სხვა განვითარებად ქვეყნებზე არის ის ფაქტი, რომ გლობალიზაციის პროცესში ჩართვა გულისხმობს საბაჟო გადასახადის შემცირებას. რატომ არის ეს პრობლემა?! ამ კითხვაზე პასუხი ძალიან მარტივია. სავაჭრო შეზღუდვებისა და ბარიერების შემცირება ხელს უწყობს და უმარტივებს უცხოურ კომპანიებს შემოიტანონ თავიანთი, პროდუქცია. ეს გამოიწვევს საქართველოს ბაზრების გავსებას უცხოური საქონლით და შედეგად მივიღებთ ქართული ეროვნული ბაზრის, სანარმოების და სამეურნეო საქმიანობის ჩახშობას, ვინაიდან ქართული ადგილობრივი სანარმოები, სამწუხაროდ, ჯერ კიდევ ვერ არიან აღჭურვილნი თანამედროვე ტექნიკითა და ახალი ტექნოლოგიებით, რის გამოც დაბალია შრომის ნაყოფიერება. აქედან გამომდინარე, შესაბამისად, დაბალია პროდუქციის ხარისხიც და მაღალია თვითღირებულება. ეს ყველაფერი ართულებს უცხოურ პროდუქციასთან კონკურენციას და ალბათ შეუძლებელსაც ხდის. ამას გარდა გლობალიზაციის ერთ-ერთი უარყოფითი მხარეა ისიც, რომ გარდა პროგრესული ეკონომი-

კური ძალებისა, გლობალიზაციის პროცესში იმავდროულად ერთვებიან ჩრდილოვანი ეკონომიკის წარმომადგენლები, მაფიოზური და ტერორისტული ორგანიზაციები. ეს ქსელები ვრცელდება მთელს მსოფლიოზე, ამიტომ დაზღვეული არცერთი ქვეყანა არ არის.

რომ შევაჯამოთ გლობალიზაციის დადებითი და ნეგატიური მხარე შემდეგ სურათს მივიღებთ:

დადებითი მხარე: ინტეგრაციის გზით გლობალიზაცია ხელს უწყობს სხვადასხვა ერებსა და სახელმწიფოებს შორის პოლიტიკური, ეკონომიკური, კულტურული და სხვა კავშირების გაღრმავებასა და განმტკიცებას.

ნეგატიური მხარე: ეროვნული და სახელმწიფოებრივი თვითმყოფადობის შესუსტება და გაერთსახოვნება.

არსებობს გლობალიზაციის ინდექსის გამოთვლის წესი ისეთ მაჩვენებლებზე დაყრდნობით, როგორიც არის პირდაპირი უცხოური ინვესტიცია, ვაჭრობა, შემოსავალი. თანამედროვე გაანგარიშების მეთოდებში ასევე გაითვალისწინება კულტურა, პოლიტიკა, გარემოს დაცვა, სოციალური მდგომარეობა.

ინდექსი არის სპეციალურად შექმნილი რაოდენობრივი მაჩვენებელი, რომელიც ნიშნავს კავშირს, ინდიკატორების კომბინაციას. ამავე დროს ეს არის ამა თუ იმ ჰიპოთეზის შემოწმებისა და დასაბუთების საშუალება. ინდექსის საშუალებით შესაძლებელია დასაკვირვებელი ერთეულის მდგომარეობის დადგენა შკალაზე. ინდექსი გარკვეულ დონეზე იძლევა მხოლოდ თვისებრივი მახასიათებლის რაოდენობრივ განსაზღვრას და გულისხმობს ტერმინებს: მეტი, ნაკლები, შდარებით ძლიერი ან შედარებით სუსტი.

გლობალიზაციის ერთ-ერთი ინდექსი - KOF, შეიქმნა 2002 წელს, უმთავრესად ეყრდნობა მსოფლიო ბანკისა და გაეროს კონფერენციის წლიურ ანგარიშებს, ვაჭრობაზე და განვითარებასთან დაკავშირებით, იგი გამოიყენება საერთაშორისო სივრცეში ინტეგრაციის ხარისხის შესაფასებლად. მოცემული ინდექსით იზომება სამი ძირითადი მაჩვენებელი: პოლიტიკა, ეკონომიკა, სოციალური მდგომარეობა.

2020 წლის, გლობალიზაციის KOF ინდექსის მონაცემების თანახმად, პირველ 10 ქვეყანაში მონიშნულ ადგილს იკავებს შვეიცარია, ნიდერლანდები, ბელგია. მე-10 ადგილზე დგას საფრანგეთი.

პირველი 5 ქვეყნის ეკონომიკური თავისუფლების ხარისხი 1980 წლიდან ასე იცვლებოდა (შვეიცარია, ნიდერლანდები, ბელგია, გაერთიანებული სამეფო, შვედეთი).

2019 წლის მონაცემებით აღნიშნული ქვეყნების ეკონომიკური თავისუფლების ინდექსი და მთლიანი შიდა პროდუქტი ასეთი იყო:

ქვეყანა	ეკონომიკური თავისუფლების ინდექსი	მშპ
შვეიცარია	8.48	731.474 მლრდ US\$
გაერთიანებული სამეფო	8.15	2.831 ტრლნ US\$
ნიდერლანდები	7.96	907.051 მლრდ US\$
შვედეთი	7.72	531.283 მლრდ US\$
ბელგია	7.62	533.255 მლრდ US\$

წყარო: Economic Freedom <https://www.fraserinstitute.org/>

თუ განვიხილავთ აღნიშნულ ქვეყნებს შორის ერთ-ერთი მაღალი მშპ-ს ქვეყანას - გაერთიანებულ სამეფოს, ვნახავთ, რომ ქვეყნის ეკონომიკა ეფუძნება თავისუფალი ბაზრის და დაბალი გადასახადების პრინციპებს. მიუხედავად იმისა, რომ პრიორიტეტულია მომსახურების სერვისები, ქვეყანა ორიენტირებულია წარმოებაზე და ექსპორტზე, გერმანიის და იაპონიის მსგავსად. გაერთიანებული სამეფო მიიჩნევა ე.წ. ანგლოსაქსური კაპიტალიზმის წინამორბედად. მიუხედავად იმისა, რომ ბრიტანეთის მოსახლეობა მსოფლიოს მოსახლეობის 1%-ია, გაერთიანებული სამეფო დგას მეოთხე ადგილზე მსოფლიო ვაჭრობის კუთხით.

დიდი ბრიტანეთი, 2019 წლის მშპ -ის მონაცემებით, 2.83 ტრილიონი აშშ დოლარით, მეხუთე უმსხვილესი ეკონომიკაა მსოფლიოში. ხოლო მშპ-ის მსყიდველობითი უნარიანობის პარიტეტის ასპექტში (PPP), მეცხრე ადგილს იკავებს 3.04 ტრილიონ დოლარით. ერთ სულ მოსახლეზე შემოსავლების მშპ-სთან შედარებით, 42.558 აშშ დოლარით 23-ე ადგილზეა.

1992 წლიდან 2008 წლამდე დიდი ბრიტანეთის ეკონომიკა განიცდიდა აღმავლობას. 2008 წლის გლობალური კრიზისის პერიოდში ქვეყნის ეკონომიკა შევიდა რეცესიაში და შემცირდა 6% -ით, 5 წელი დასჭირდა გაერთიანებულ სამეფოს ეკონომიკას, რომ არსებული რეცესიის დონეს დაბრუნებოდა.

1980-იანი წლებიდან, ტეტიჩერის პერიოდში, განხორციელდა სახელმწიფო საწარმოების პრივატიზაცია. სახელმწიფოს მოქნილი რეგულირების შედეგად დაფიქსირდა ნაციონალური მაკროეკონომიკური მაჩვენებლების სტაბილურობა, ასევე ინფლაციის, უმუშევრობის მეტად დაბალი მაჩვენებლები. (საკუთრების ფორმების, კერძო საკუთრების როლზე ეკონომიკურ ზრდაში დაბლა ვისაუბრებთ). 2008 წლის გლობალური რეცესიის შემდგომ პერიოდში, მხოლოდ ერთხელ, კვარტალურად დაეცა პროდუქციის წარმოების დონე, მშპ-ს ზრდა კი არ შეჩერებულა ბოლო 4 წლის მანძილზე. აქვე უნდა აღინიშნოს გირვანქა სტერლინგის სიმყარე აშშ დოლარის მიმართ, რაც განპირობებულია, ერთი მხრივ ინგლისის ბანკის უნარით, შინაარჩუნოს მაღალი სარეზერვო ნორმა, მეორე მხრივ კი ეროვნული ეკონომიკის ზრდის სწრაფი ტემპით.

ბრიტანეთის ეკონომიკის წამყვან სექტორს წარმოადგენს მომსახურების სფერო (მშპ-ს 75%), მათ შორის მოწინავე პოზიციით ფინანსური სექტორია (მშპ-ს 27%), იგი განსაზღვრავს ქვეყნის სპეციალიზაციას, ზოგადად, საერთაშორისო ეკონომიკური ურთიერთობების სისტემაში. ბრიტანეთი მსოფლიო ექსპორტის 10%-ს ახორციელებს საბანკო, საბროკერო, საკონულატაციო, სადაზღვევო, კომპიუტერული პროგრამირების მომსახურების კუთხით.

გასათვალისწინებელია, რომ გლობალიზაცია რეალური

პროცესია, რომლის შეჩერება შეუძლებელია. გლობალიზაციის პროცესი არის მსოფლიო ბაზრის სუბიექტებს და სახელმწიფოებს შორის დიდი კონკურენციის, მაგრამ ამავე დროს დიდი ურთიერთდახმარების პროცესი. ამიტომ, საჭიროა გლობალიზაციის არა უარყოფა, არამედ თითოეული სახელმწიფოს მისწრაფება, რათა ეს პროცესი წარმართოს თავისი ქვეყნის ინტერესების გათვალისწინებით. თითოეულმა ქვეყანამ უნდა იბრძოლოს გამარჯვებისათვის დიდ კონკურენტულ ბრძოლაში, მაგრამ, რასაკვირველია, არა ძალით, არამედ ცოდნით, მეცნიერების განვითარებით, უმაღლესი ტექნოლოგიების შექმნით, კულტურის სრულყოფით, ინტელექტის ამაღლებით და ა.შ. გლობალიზაციის შედეგად ყველა ქვეყანას უნდა ჰქონდეს საშუალება ისარგებლოს სხვა ქვეყნის სიკეთით. ამავე დროს შენარჩუნებული იქნეს ეროვნული თვითმყოფადობა (ენა, ტრადიციები, სარწმუნოება, ტერიტორია და ა. შ.). გლობალიზაცია, ბუნებრივია, გავლენას ახდენს ეროვნულ სახელმწიფოზე, მის ეკონომიკაზე, ეკონომიკის სახელმწიფო რეგულირების ფორმებზე, მეთოდებსა და ინსტრუმენტებზე. ზოგიერთი მოსაზრების თანახმად, გლობალიზაციის პირობებში სახელმწიფო შეწყვეტს არსებობას, ვინაიდან მისი ფუნქციები დაიკარგება. მაგრამ ეს შეხედულება მცდარია. მართალია, გლობალიზაციის პირობებში სახელმწიფოს ზოგიერთი ფუნქცია იზღუდება, მაგრამ ის იძენს უფრო დიდ, საერთაშორისო ფუნქციას, რომელიც მიმართული უნდა იყოს გლობალიზაციის ნეგატიური ზემოქმედების განეიტრალების, დახმარებების ეფექტიანი გამოყენების, კონკურენტუნარიანობის ამაღლების, საუკეთესო ეროვნული ტრადიციების შენარჩუნებისა და მისი შემდგომი სრულყოფისაკენ.

გამოყენებული ლიტერატურა:

1. აბესაძე რ., ბიბილაშვილი ნ., გლობალიზაციის გავლენა უმუშევრობაზე; გამომცემლობა „თსუ პაატა გუგუშვილის ეკონომიკის ინსტიტუტი“; თბილისი, 2012;
2. რ.აბესაძე., ეკონომიკური განვითარება და ეკონომიკური

რეგრესი; გამომცემლობა „თსუ პაატა გუგუშვილის ეკონომიკის ინსტიტუტი“; თბილისი, 2015;

3. გლობალიზაცია; <http://www.nplg.gov.ge/gwdict/index.php?a=term&d=5&t=3300> გადამოწმებულ იქნა: 10.10.2021

4. გლობალიზაციის როლი ეკონომიკურ ზრდაში; https://papers.ssrn.com/sol3/papers.cfm?abstract_id=2233648 გადამოწმებულ იქნა: 10.10.2021

5. გლობალიზაციის ინდექსი; <https://www.statista.com/statistics/268168/globalization-index-by-country/> გადამოწმებულ იქნა: 10.10.2021

6. გლობალური ინდექსები-გლობალური სამყაროს ზომები; <http://mastsavlebeli.ge/uploads/Indeqsebi.pdf> გადამოწმებულ იქნა: 10.10.2021

REFERENCES:

1. Abesadze R., Bibilashvili N., The Impact of Globalization on Unemployment; Publishing House “TSU Paata Gugushvili Institute of Economics”; Tbilisi, 2012

2. R. Abesadze, Economic Development and Economic Regression; Publishing House “TSU Paata Gugushvili Institute of Economics”; Tbilisi, 2015

3. Globalization; <http://www.nplg.gov.ge/gwdict/index.php?a=term&d=5&t=3300> Checked: 10.10.2021

4. The role of globalization in economic growth; https://papers.ssrn.com/sol3/papers.cfm?abstract_id=2233648 Checked: 10.10.2021

5. Globalization Index; <https://www.statista.com/statistics/268168/globalization-index-by-country/> Checked: 10.10.2021

6. Global Indices - Dimensions of the Global World; <http://mastsavlebeli.ge/uploads/Indeqsebi.pdf> Checked: 10.10.2021

THE IMPACT OF GLOBALIZATION ON ECONOMIC GROWTH

Mariam Dzebisashvili

Doctoral Student of GTU

mariamdzebisashvili@yahoo.com

RESUME

Twentieth century for the world economy is associated with a range of processes that involve a broader scope. The important issue in the order is at stake and at the same time the internationalization stage - Globalization. It discusses the developmental processes of the world in the socio-economic context. We are globalized as an accelerating factor. In addition to the destruction, it also contributes to modernization. The English word "globe" means Globe, while "global" - the world. Globalization -the modern English word is to make changes in the world economy and society.

More precisely, the globalization of the economy is one of the components of globalization that includes several aspects: | Liberalization of Economics; | Development of trade; | Integration of countries in the modern world community; | To increase the service market; | Make investments.

Globalization is a major influence on the economy of all countries. It deals with the process of creation of goods and services, the use of force, investing in "physical" capital, technologies and their spread to other countries. In the end, everything is expressed in the production and labor efficiency.

The article-"The Impact of Globalization on Economic Growth" deals with the modern actual issues of globalization and its impact on the national economy. According to the author's explanation, the globalization is the process of formation the world as an economic, technological, political and cultural entity through conditions of maintaining the statehood and national identity of the concrete countries.

Globalization has the objective as well as the subjective features. That's why the globalization includes unprecedented possibilities for development of human society as so as it threats of its existence. The positive results have been achieved only when any exposures of abuse are excluded and all decisions are received as a result of common consensus. The other trends of globalization might be ended with disaster.

Globalization influences all sectors of national economy, including unemployment. In the article into detailed form are discussed the positive and negative sides of influence that globalization has on the national state and economy.

In Summary, it seems that globalization involves both the development of human society and its unseen possibilities of the threat of existence. Thus, it becomes necessary in the process of globalization proper management, or implementation of fair globalization. The greatest contribution to this belongs to the leader (big) states. It is on their decisions that globalization does not depend on fate.

Key words: Globalization; national economy; unemployment; international labor market.